


古今攷


五



漢書門			
二	七	〇	類
一	三	五	函
六	二	五	架
冊			



內閣文庫			
三	〇	七	函
一	二	七	〇
九	六	〇	架
冊			

內閣文庫			
番號	漢	2770	
冊數	16 (3)		
函號	307	132	



Handwritten text in cursive script, likely bleed-through from the reverse side of the page.

淺草文庫



古今攷卷之五

宋 紫陽方 回萬里續

明 上海王 圻洪洲較

四明謝 三賓象三定

呂臣為司徒

書周官立太師太傅太保曰三公少師少傅少保曰

三孤冢掌邦治司徒掌邦教宗伯掌邦禮司馬掌

邦政司寇掌邦禁司空掌邦土曰六卿周禮出於天

莽之世有此六官而此孔壁尚書周官之篇伏生

授有牧誓立政二篇矣周制大國三卿半天子之
天子有六鄉六遂大國則三鄉三遂天子有六卿大
國則三卿牧誓立政所謂文武之世司徒司馬司空
者大國諸侯半天子之卿也懷王用楚國之法置呂
臣為司徒其父呂青為令尹令尹楚相也論語楚子
文新令尹舊令尹是也或曰司徒之置周周之侯國
之制以尊顯呂臣也歟蓋懷王并呂臣項羽軍自將
之而呂臣之父為相矣西漢之末儒者未盡見周禮
又不見孔壁之周官但見牧誓立政有司徒司馬曰

空之文遂備此為三公班固百官公卿表敘相國丞
相大司徒為一列而孔光太師王莽太傅王舜太保
亦在其列皆莽所自置以大司徒代丞相也又創三
公以效周實自大也大司馬則武帝所創以寵衛霍
宣帝以來因之以代漢初太尉莽又置大司空以代
御史大夫殊不知司徒司馬司空三卿乃夏商以來
侯國之官后乃以為三公不見孔壁周官之過也至
東漢承用此三者為三公之官而事權旁落自秦以
來不建冢宰以為一相其失非一日矣而失之又失

蓋始於莽後世有宰執有侍從而吏部尚書號為天
官戶部曰地官禮部曰春官兵部曰夏官刑部曰秋
官工部曰冬官名可以相借為用而其實皆非周之
六官秦漢之九卿錯亂雜採宋初循唐五代之舊自
省及六部尚書侍郎皆為虛名遷轉之官以審官東
西院主選而大除目在中書以三司使鹽鐵使治財
用以太常寺禮院治禮樂以樞密院典兵以大理寺
審刑院治刑獄以都水使者治水以三司之尉按治
軍器而工役一切之事皆取辦于三司循名責實固

為未然而治平嘉祐以前號為治世元豐官制既行
沿至政和太為舛繆所謂司空司徒太尉者舊三公
也太師太傅太保者舊三師也元豐因之政和則改
三師為三公太師太傅太保是也改三公為三少少
師少傅少保是也初未嘗以為師保論道之職隆以
虛名其後又添設檢校又設太尉不問清濁武臣至
建節而加開府文臣過開府為相而積累因循皆可
以為天子之師臣非之甚者也左相曰尚書左僕射
兼門下侍郎右相曰尚書右僕射兼中書侍郎寓三

省不同之意而右相進擬除目權重于左執政曰中
書侍郎門下侍郎尚書右丞左丞樞密使改曰知樞
密院又有同知僉書同僉書皆不應古六部尚書各
治其事而太常宗正司農太府大理等卿委為重疊
元祐稍復舊制紹興革去亂政孝廟置左右丞相名
與古合而三省其實遂無分別相權較重檜冒遠清
全道卒以亡國悲夫

上將次將末將

楚懷王以宋義為上將項羽為次將范增為末將北

救趙懷王可謂善用人矣宋義知兵項羽善戰范增
好奇計其勝章邯必矣又西遣沛公入關尤為知之
明者其徒都彭城并呂臣項羽軍自將之亦可謂有
才者而楚亦天之所棄無再昌之理故終於無成然
攷之三代盛時未有將帥之將以為稱謂者鄉遂出
軍命卿總之師出以卿師入以卿至春秋戰國而後
有將之名傳春秋者謂將軍師少曰人序詩者有去
以天子之命命將帥詩序乃漢儒語傳註亦出漢時
孟子中始有將軍之稱呂不韋月令始有太尉之官

非周制也司馬穰苴孫武吳起著書言兵法始盛推
將才蓋井牧鄉遂之法廢如所謂天子六軍七萬五
千人車千乘者亦不足以禦強國動輒興師十萬二
十萬或三十萬而匹夫起於細微能詎能勇能計美
者始拔而為將非復六卿三卿二卿一卿之行軍者
矣七國之戰烹屠隕滅者數百千萬人得為將而富
貴而終於敗與夫先勝後敗嘗試而不勝輒敗者不
可勝數故沛公曰置將不善一敗塗地而俗諺謂三
世為將道家所忌今懷王救趙之將三人曰宋義曰

項羽曰范增八閩之將一人曰劉季荀悅漢紀謂宋
義故楚令尹史記漢書不言必有所據項羽范增劉
季則皆起於匹夫古之人才出於素而後世人才取
於倉卒為將亦不可謂無其人而兵制不古糜爛其
民為可痛耳漢王以韓信曹叅灌嬰擊魏閻酈食其
魏大將誰也對曰栢直曰是口尚乳臭不能當韓信
騎將誰也曰馮敬曰是秦將馮無擇子也雖賢不能
當灌嬰步卒將誰也曰項它是不能當曹叅曰吾無
患矣往往是時遣將必須三人非止將次將末將則

大將騎將步將漢王問敵人之將而先知勝負洵可謂知人之明後世對陣兩國之將俱庸譬如奕棋兩皆低手然亦必有一勝一負故庸人繆得為將如低暴然忽遇高暴者至終以敗人之國是故勝國之將未必不為亡國之人僥倖而一再勝者異日或不免於俘虜世之所謂七書百將傳誤人多矣古語云項羽自立為上將軍下出武關而封其入下軍為懷王之計不當遣兵救趙命一軍向軀路關命一軍向武關而分一軍睥睨章邯勿進兩關急而趙圍

解矣諸將莫利先入關惟項羽願奮與沛公西入關諸老將以項羽殘賊沛公寬大故遣沛公入關遣項羽救趙而又宋義位項羽之上以智御勇未為非策然宋義昔者論武信君之必敗恐亦未免子貢億中之所為歟項羽論救趙急欲進兵當委曲與范增同密議之先鬪秦趙之說宋義固是趙舉秦強何敵之承項羽說亦是宜更互相籌畫以盡其理可也何至遽自矜大曰夫擊輕銳我不如公坐運籌策公不如我此項羽所以不堪也且又下令猛狼貪強而不可

令者皆斬明指項羽非義殺羽則羽殺義二將不和
非細故也適又送子相齊置酒高會羽所以逞其忿
而斬義歟諸將畏羽之威共立羽為假上將軍報命
於王此與韓信求為假王何異懷王因以羽為上將
軍此與漢王就立韓信為齊王何異懷王心恨項羽
恐亦與漢王心恨韓信不異特項羽日益強大懷王
遂不能制耳項羽無君之心蓋始於此既而破章邯
軍解趙圍諸侯將入轅門膝行而前莫敢仰視羽繇
是始為諸侯上將軍兵皆屬焉顏師古以始為諸侯

士為句注曰繇讀與由同以將軍兵皆屬焉為下句
劉道原謂將軍疑屬上句呂東萊大事記書曰項籍
為諸侯上將軍是也至是則諸侯上將軍之命如近
世總統諸軍者此亦不出於懷王之命其自立為西
楚霸王兆已見矣
二世使使斬楊熊
秦二年二月項羽破章邯虜王離邯退軍漳南相持
二世使人讓章邯三月沛公與秦將楊熊戰大破之
楊熊走之滎陽二世使使斬之以殉此與唐明皇遣

邊令誠斬封常清高仙芝極相似楊熊章耶皆秦銳
將戰敗而守榮陽楊熊未為非也迺從而斬之章耶
不能救趙失王離涉間蘊角三大將罪豈不大於楊
熊然則斬楊熊乃所以速章耶之降楚唐斬封常清
高仙芝以快邊令誠之憾亦如二世之惑於趙高此
所以哥舒翰一敗而降於祿山也天下敗證固有適
相似者如此

絕河津

秦三年四月沛公南攻潁川屠之因張良遂略韓地

時趙別將司馬卬方欲渡河入關沛公乃北攻平陰
絕河津師古曰直渡曰絕竊詳文義師古說非也曰
絕河而無津則是直渡而過河若曰絕河津則是禁
絕河之津渡收其軍船以軍守河俾司馬卬不得渡
耳平陰縣屬河南魏文帝改曰河陰水南曰陰水北
曰陽今孟州舊為河陽三城節度河陽縣在河之北
卽此地是也漢祖絕河津之處魏豹傳漢王還定三
秦渡臨晉豹以國屬焉遂從擊楚於彭城漢王敗還
至滎陽豹請親視病至則絕河津畔漢此絕河津三

字與高帝紀二字同義乃是禁渡而非渡河可以無

疑

收軍中馬騎

四月已絕河津南戰洛陽東軍不利從轅轅至陽城

收軍中馬騎此謂戰于洛陽之東軍小敗

輟之險至于陽城收軍中所失之馬騎也陽城者南

陽郡之縣今堵陽也禮記前有車騎則載飛鴻正義

曰雁飛有行列與車騎相似若軍前忽遙見彼人有

多車騎則畫鴻雁於旌首而載之使衆見而為防也

然古人不騎馬故但經記正典無言騎者今言騎者

當是周末時禮左傳昭二十五年左師展將以公乘

馬而歸公徒執之注展魯大夫欲與公俱輕歸

乘如遣政反馬也輕正義曰古者服牛乘馬以駕車不騎也至

六國之時始有單騎蘇秦所云車千乘騎萬匹是也

曲禮曰前有車騎者禮記漢世書耳經典無騎字也

劉炫謂此左師展將以公乘馬而歸欲其公單騎而

歸此騎馬之漸也史記趙武靈王十九年曰吾今將

胡服騎射以教百姓誅之樓緩樓緩謂然其臣肥義

爭之其叔公子成爭之二人已從而趙文趙造周紹音紹趙俊又諫止之其辨說各數百言太史公詳書之以見夫胡服騎射前是中國未之有而趙主父率意變古始於此也蓋騎而射匈奴之俗中國惟以馬駕車故有車戰步戰而未有騎戰中國之民亦不敢單騎馬而騁也孔子之孫子思作中庸曰今天下車同軌謂車之行於道者由乎前人之軌迹有一定之制不敢殊異使其單騎一馬而疾馳則駭於民而違法矣左師展孔子同時先後入其欲以昭公單騎馬而

歸魯意在輕疾於時已為反常殆必周制之所不許也正義以為騎馬之漸求之史記則趙武靈王實為胡服騎射單騎匹馬之始蘓秦傳說燕文侯則曰車六百乘騎六千匹說趙肅侯則曰車千乘騎萬匹肅侯者武靈王之父孟子同時時則戰國已從事于騎恐是下令棄中國之法而習匈奴之戰則明以教其百姓國人自主父始也戰國策趙武靈王破原陽以為騎邑牛贊諫謂破卒散兵以為騎射恐攻獲之利不如所失之費則是初變一邑為騎射而後舉國從

之其變古亦非一日難蓋如此近時學者多不察此
例蒙見闢以為古人豈不騎馬魏鶴山著諸經要義
摘出禮記左傳正義二段以示晚輩不可誣也自是
而後史以善騎射書者代不乏人李牧為趙走匈奴
十萬騎而高祖平城之圍匈奴至者解鞍至高如山
中國之兵騎戰漸盛車戰漸廢漢初猶有車戰見夏
侯嬰傳騎將則駱李必灌嬰高祖之敗彭城去榮
陽出城臯皆以數十騎遁去而鴻門之會棄車騎獨
騎一馬樊噲四人步從以免其非急迫時往往夏侯

嬰中御車高祖在左樊噲駘乘為右未全廢車而間
亦用車戰唐房琯陳濤斜之敗以車戰而後車戰盡
廢蓋古者八歲入小學則學射御人無不能射亦無
不能御而一車三甲士古之者古之射者極天下之
精而後可以禦敵今一旦製車千乘求三千人御射
者不可得縱有七萬二千步卒翼之亦必敗而已矣
譬之單騎馬而射亦必習熟而後能有十萬之馬十
萬之卒而不嘗習射習騎強使馳馬亦必敗而已矣
高適曰胡兒十歲能騎馬彼以射獵為生故幼而習

馬為國者可以鑿矣漢書駢字始此故詳

約先定閔中者王之

初懷王與諸將約先定閔中者王之顏師古曰約要也謂言契也自函谷關以西總名閔中以註攷之楚懷王與諸將不特口為之約又必立為文券契要曰先定閔中者王之似如今豫給公據之類諸將各執其一以為異日執契取賞之具也周禮秋官司約於反掌邦國及萬民之約劑治神治民治地治功治器治摯凡六約鄭康成註劑謂券書也鄭鍔曰約者以

言而書其約者以劑劑如質劑之劑蓋兩書一扎合同而別之買賣之約長曰質短曰劑此則名為約劑亦兩書一扎也然則兩書一扎曰契豈非剖符之狀歟先儒謂治神之約如非其所祀而命之祀則書其所以命之者以為約若魯用郊禘之類治民之約謂非其所有而分以授之則書其所以分之者以為約若分衛以殷民七族分魯以殷民六族分唐叔以懷姓九宗是也治地之約易曉所以防侵爭耳治功之約如勲在王室藏於盟府漢功臣帶礪之謂治器之

約謂禮樂吉凶車服所得用如魯得用四代之服器
六瑚四璉崇牙八佾之類治學謂玉帛禽鳥相往來
有一定之制或者疑周公制禮何至如此多為之防
以周官為不然自當他攷今惟借是以證楚懷王入
關之約亦有文契要約云耳禮記曰大信不約異日
項羽請於懷王懷王曰如約而項氏乃背約王沛公
於漢中卒以自滅約之所在漢直項曲故也後世賜
鐵券謂不歿而未嘗踐言契約或以偽為而爭競不
息嗚呼其來也久矣

關中

顏師古曰自函谷關以西總名關中周禮地官有司
門司關門者國門也關者近郊遠郊之關也皆有符
節以譏出入易之坎曰天險不可升也地險山川丘
陵也王公設險以守其國又繫傳曰重門擊柝以待
暴客因山川丘陵而設為門關之險固王公所不敢
少也然所謂天險不可升者何哉在德不在險也德
之險為天險山川丘陵之險不過地險耳秦穆公襲
鄭蹇叔哭送其子謂晉人禦師必於崤崤有二陵其

南陵夏后皋之墓地北陵文王之所避風雨也必死
是元和志曰自東嶠至西嶠長三十五里東嶠長阪
數里峻阜絕澗車不得方軌西嶠全是石阪計五里
險不異東嶠此二嶠尚在秦時函谷關之東春秋時
蹇叔言崤之險其地猶非秦有戰國時秦地愈大東
侵諸夏而函谷關之險遂為秦之阨塞六國合從仰
關攻秦秦開關延敵六國之師逡巡而不敢進蓋六
國皆孱王也故得地勢者愈得而下視之今按秦函
谷關在唐陝州靈寶縣南十里漢之弘農縣也路在

谷中澗險如函其中少通行路東西四十里絕岸壁
立巖栢陰翳谷中常不見日關去長安四百里日入
則閉鷄鳴則開齊孟嘗君客能為鷄鳴而出此關是
也東至漢楊僕所移新函谷關三百七十八里此新
關在河南府新安縣而秦關之在靈寶者遂廢西至
唐所設潼關二百里唐潼關在華州華陰縣東北太
華山之北山在華陰縣南八里關西一里有潼水因
以名關黃河自龍山南流扼于華山轉流而東渭水
自西而東於茲入河西去長安尚二百里亦天下之

至險也然函谷關秦守之非不嚴陳涉所遣周章烏
合之師至百萬入關至戲而後敗不足恃也沛公聞
章耶且至以兵守之而項羽令黥布擊破之不足恃
也潼關之險唐哥舒翰守之亦敗於祿山之將杜少
陵詩可攷亦不足恃也至於漢之函谷關狗楊僕之
私請東徙三百七十里而廢其舊險則無足言者矣
九域志京兆府至東京一千二百五十里河南府洛
陽西至陝州二百八十六里陝州西至華州二百八
十里華州西至京兆府一百五十里計古長安至今

關封只一千二百五十里而秦函谷關漢龜谷關唐
潼關跨涉三郡河南陝州華州自首尾八百里中有
黃卷二嶠桃林之塞皆號絕險謂險可長恃則秦漢
唐至今猶存可也故曰險不足恃也滎陽成臯古之
虎牢蜀之劍閣吳之長江燕之居庸亡國接踵不修
德而恃天險者尚監之哉雖然懷王諸將莫利先入
關關之可畏如此沛公不自洛陽趨二嶠而南出鄧
林西攻武關亦有以夫

舍人陳恢

史記呂不韋傳嫪毐與其黨謀矯王御璽及太后璽以發縣卒及衛卒官騎戎翟君公舍人將欲斬年宮為亂呂東萊曰秦之兵制畧見于此縣卒一也衛卒二也官騎三也戎翟四也舍人五也曰謂君公舍人四字當作一句秦之封君若縣公所謂舍人私人也如家臣食客門人近世館客門士邊郡帶行等入之類亦可發以為兵也毒之敗其舍人輕者為鬼薪及奪爵遷蜀四千餘家家陽陵其舍人之多如此而又南賜爵者戰國之時養游士至後車千乘食客三千

人并牧不修而士無常產故也蘇林曰蔭相如為宦者今舍人韓信為侯亦有舍人晉灼謂舍人謝公傳謂舍人弟上書告信是也師古曰舍人親近左右之通稱後遂以為目屬官號魏置中書通事舍人東晉省宋初復置通事舍人四員齊承平初中書通事舍人四員謂之四戶梁除通事字直曰中書舍人掌詔詰後魏有舍人省隋內史舍人八員後減四人為內書舍人唐武德三年改中書舍人置六員為文士之極選龍朔改西臺舍人光宅改鳳閣舍人開元改紫

微舍人皆其職也宋初中書舍人起居舍人皆官而非職別置知制誥以行外制謂之三字官又置舍人院以某官直舍人院如富弼歐陽修封還詞頭故給舍謂有封駁之權元豐官制始正名中書舍人在六侍郎之上後又置權中書舍人在六權侍郎之上左右史曰起居郎起居舍人又為從官之次曰二史至如閣門宣贊舍人即武臣清選實自徽宗改通事為宣贊如閣門舍人則孝廟初置以處武舉狀元不試而除餘武舉名士召試策一道而除此文臣館職

立東宮則有太子舍人未改官制以前則中書舍人者後之通議大夫起居舍人比中行員外郎為後之朝散郎太子中舍為後之通直郎云

亡金宰相子皆蔭補閣門舍人

故稱謂云云

封南陽守騎殷侯

項羽救趙殺宋義自立為上將軍然猶先假之請於懷王而後真為之也沛公為碭郡長武安侯之後仍稱沛公而封拜君侯不請於懷王以酈食其為廣野君以南陽守騎為殷侯以陳恢封千戶如樊噲夏侯

嬰灌嬰諸將賜爵之類竝不請于懷王其亦已得懷王之命有所不必請與沛公前是屠城陽屠潁川殺泗川守壯斬三川守由破走章邯東阿城聲震疊南陽守欲自全已無生路舍人陳恢說沛公約降而封之為雍王矣其事與沛公同而秦民不信與沛公異者何也秦之臣不思于秦暫屈於我封之者權也項羽所過無不殘滅沛公所過毋得虜掠此則得失之所以異也封秦之叛臣以為得計則不然矣

項羽封章邯為雍王

秦三年七月沛公受南陽守齧降封為殷侯是月章邯舉軍降項羽封為雍王時沛公未入關也八月沛公攻武關入秦乃在章邯已封之後當是時項羽之意必以沛公為未便能入關者故指秦地封章邯俾為先鋒引已入關不料沛公乃先已而入關也沛公之閉關以距章邯耳項羽蓋欲于入關之後移章邯以王地然亦未有衣錦故鄉之朕態故舍秦而去要之劉項本無嫌隙羽之封邯沛公未入關也則所以封邯者不為惡沛公也沛公已入關而防邯之來亦

人情之常雖因曹無傷一言而怒奈沛公理直詞正
何使其鴻門一劍苟斃沛公天下亦非項羽有也移
沛公王漢中以三秦塞東路焚秦宮室掠秦府庫殺
其降王坑其子弟此所以助漢之勝而卒自斃歟

攻武關入秦峽關藍田京兆府東南至商州二百六十五里商州東至

鄧州或云七百或云六百二十五里書傳字畫不一鄧州至長安不滿千里

武關秦之南關通南郡今鄧州也武關在柝縣一百
七十里柝今內鄉縣也今鄧州西北至商州六百二
十五里武關屬商州沛公八月既入武關趙高弑二

世使人來約欲分王關中沛公不許九月趙高立子
嬰子嬰誅滅高發兵守峽關關在藍田縣東南九十
里藍田縣亦曰峽柝城峽關亦曰藍田關沛公用張
良計以金啗秦將連和而因其懈急引兵繞峽關踰
黃山擊秦軍大破之藍田南黃山在藍田縣東南一
十五里既踰此山則峽關在七十里之外而迫近其
縣矣張良之計亦不足道變詐翻覆世多稱之先儒
之所鄙也特秦之大勢已去故沛公之兵如破竹耳
藍田屬今京兆府去府西北七十里秦都在渭北咸

陽連和者偽詩以分王閔中而卽又進兵也子嬰于
是度渭南降秦秦之攻也漢元年冬十月漢元年冬十月此漢元年冬十月也因秦不改孔子曰行夏之時卽
建寅為歲首者是商之建丑周之建子者為非先儒
有天統地統人統之說有改正朔之說則歲首為子
而以子時為朔朔者旦也一日之首也建丑建寅亦
當然故祭祀用所建之朔而分其日夜若建亥則豈
可以亥為一日之首乎顏師古謂秦以十月為正月

卽夏之正月夏之四月乃七月夏之七月乃十月冬
春夏秋皆繆矣然史記書夏正月為端月以為始皇
諱政而改為端正本音政而後改為平聲亦避諱也
則似未嘗以十月為正月師古謂史家追改秦正為
漢冬十月其果然乎如淳謂張蒼以高祖十月至霸
上故因秦以十月為歲首然則漢武以太初二年夏
五月正曆以正月為歲首始用建寅為正當矣至今
莫之敢改然皆以子時為一日之首寅月為一年之
首改正不改朔云

王莽篡漢改十二月為始建國
元年正月之朔以鷄鳴為始

東萊書楚義帝元年冬十月沛公至霸上本是秦子嬰元年史記則書為漢元年漢書書秦一世元年秦二年秦三年而獨書元年冬十月即繼以五星聚于東井通鑑刪去五星聚事先書題曰漢紀一乃書曰元年冬十月沛公至霸上惟東萊大事記其書特奇曰楚義帝元年冬十月劉邦至霸上秦王子嬰降朱文公通鑑綱目所祖也漢書高帝紀第一上凡四年東萊書于義帝元年後曰漢高皇帝二年西楚霸王二年即楚漢皆無元年也羽

以方獨書漢太祖高皇帝五年東萊亦書星聚事

五星聚于東井 曆家攷別見

元年冬十月五星聚于東井劉貢父曰按五星之行水常不能遠日此十月若用夏正則日已在大火矣水安得與四星俱在東井蓋五星本以秦十月聚東井高帝乃以夏十月入秦也時人欲見漢德應天命故合而言之史承人言而不改再檢史記是年甲午歲在鵠首七月日在鵠火則水從歲星無疑回謂是說是也本出北史高允傳謂崔浩曰按星傳金水二

星常附日而行冬十月日且在尾箕皆沒于申南而
東井方出于寅北二星何因背日而行是史官欲神
其事不復推之於理浩不然允說後歲餘浩謂允曰
先所論者亦不經心及更考究果如君語以前三月
聚於東井非十月也回嘗著曆象攷漢太初曆推日
月五星起於牽牛謂冬至會于星紀之次然堯時冬
至日在虛一度至漢太初元年丁丑歲冬至日在斗
十二度則已去牛六度矣牛六星八度斗六星二十
六度與牛之初度接界律曆志謂是年冬至日在牛

初度正在分界之上而古今推策者爭差六度近甲
申年冬至日在箕比堯時差四宿比漢時差三宿月
令正月日在營室二月在奎三月在胃四月在畢五
月在東井六月在柳七月在翼八月在角九月在房
十月在尾十一月在斗十二月在婺女秦漢之間但
言曰冬至或在牽牛或在斗夏至在東井春月三十
日或在月本或在月末固不皆在月中雖堯時冬至
日在虛近特冬至日在箕決無東漢間十月朔在東
井之理金水二星常附日而行則謂夏七月建申之

月五星聚東井其有之矣夏七月秦十月也沛公是時方下南陽八月始攻武關九月始破曉關歲在甲午也次年乙未冬十月至霸上沛公未至秦地而五星先聚于東井不為秦之瑞乃為沛公出東也瑞史臣因而書之如高允劉敞所云極是東井八星占天二十三度幾於十分之二則五星之聚於此必亦相望少疎不密密而此也古之星五聚者僅五見于史傳周文王七年孟春五星聚房齊桓公將霸五星聚箕漢祖將入關五星聚東井安祿山祚逆天寶元

年八月五星聚尾箕宋興乾德五年歲在丁卯三月二十七日五星聚奎外此李鄴侯家傳謂肅宗復長安其年五星聚東井唐史不書無可攷者

使屬食其陸賈往說秦將啗以利秦將果欲連

和

春秋書平後世之和也杜預曰和而不盟曰平亦曰成左傳更成請成杜預曰成猶平也如華元合晉楚之成是也晉悼公之時魏絳和戎翟賜之樂戰國或謂之謀六國連和而攻秦曰合從秦講和于臬國攻

某國為連衡故曰縱曰橫兩國相爭兩陣相向而時
出乎和不知後世之以和誤人之國者多晉荀息以
壘棘之璧屈產之乘假道于虞以伐虢於是虢滅而
虞亦滅璧與馬復歸于晉此張良教沛公以利啗秦
將之計也張良傳北漢紀無陸賈二字有曰持重寶
啗秦將有曰秦將果欲連和多俱西襲咸陽五字沛
公起于匹夫所謂重寶者攻城畧地之所得也何足
道哉沛公所欲者滅秦而王關中也趙高弑二世使
人語沛公欲約分王關中此弑君之賊沛公不許是

矣今從良計以重寶啗秦將必且令酈賈二生說秦
將以其擊咸陽分王關中之利當是時項羽封章邯
沛公封南陽守齧彼賈豎之將亦已心動故叛而從
沛公殊不知張良之計詎也於是因其懈怠從而擊
之繞嶢關踰費山出藍田至霸上秦將所得重寶焉
得而有之身且即死可謂愚矣異時鴻溝之約項羽
懈而東歸張良勸漢王追擊滅羽亦出此策曾謂三
代王者之師而有是乎酈食其說下齊王歷下之守
而漢王無詔以止驍信食其遂以烹死食其亦足恤

也夫必先息人之爭備而後急擊之張良又豈有真
王佐之才哉金人取靖康二帝亦用此狡謀四方勤
王之師方集而圍城中講結之詔已下且不許進兵
以沮和議是束手而自斃也紹興之和秦檜必陰為
敵間故曰後世以和誤人之國多矣隋之以小利而
包藏大禍之心世道衰矣心危久矣或謂高祖以
沛公至霸上沛公至霸上應邵曰霸並地名在長安
東三十里古曰茲水秦穆便名霸師古曰霸水並故

曰霸上即今所謂霸頭以今攷之長安東三十里者
漢之長安城也唐之長安城又稍東一十三里秦之
都咸陽在渭北夾渭為橋而南橋濶六丈橋柱七百
五十以渭水象天漢而渭南亦通名咸陽漢蕭何所
建都則在渭南而稍東唐承隋長安又稍東今漢書
註當以漢長安城為據也關中之水在渭灃灃灃水後
人添渭自西而東入于黃河在華州同州之間其源
遠自鳥鼠同穴山逕入于渭灃入于霸而霸入于渭
霸水之源出商州上洛縣西北行至藍田縣境始出

谷谷卽麗山之谷亦名藍田山澹水所合在長安東
廿里霸水西至長安城二十里水東至霸城十里霸
城東至新豐縣五十里藍田縣在長安東南七十里
蓋霸水所行謂之白鹿原水行原上據高臨下沛公
屯兵在霸水之東近秦霸城去長安三十里也秦四
塞之國面面有関由漢唐言之則北有渭與河南有
太白終南之山則太白也自西域隄亘以來踰隴坂
以接商洛總謂之南山故曰北河渭南終南西隴蜀
東散函也北舉渭南舉終南而秦之形勢見矣沛公

之霸上已有秦霸城亦名芷陽而漢興以後文帝于
此原始為霸陵始又有霸陵縣始又有霸橋王莽時
霸橋災莽謂天絕霸陵之橋凡霸上霸西霸北霸
南霸東霸城霸陵霸橋霸亭皆此水獨長安東頭第
一門曰霸城門曰青門者乃漢都城門邵平種瓜處
遙指此水此路命名蓋漢唐自長安東出或之函谷
関或之武関必於霸橋分別唐有南北霸橋北橋東
趨則函谷路南橋而東南趨則藍田武関路霸上卽
秦之霸城東至新豐縣五十里鴻門在新豐東十九

里戲水在新豐東二十五里此劉頊入關屯軍會合之地也
子嬰降枳道旁秦王子嬰降枳道旁蘇林曰亭名也在長安東十三里師古曰枳音軹軹道亭在霸城觀西四里東漢書長安霸陵有枳道亭程泰之雍錄枳道亭在漢長安城東都門外十三里長安東有三門此為北來第一門自長安而出東都必由此門謂近世開封府有云陳州門鄭州門曹門其義相似其曰秦王者應邵曰

子嬰不敢襲帝號但稱王耳東來大事記按本紀子嬰為秦王四十六日楚將沛公至霸上使人約降子嬰子嬰即奉天子璽符節降枳道旁曰攷之秦嬴姓帝顓頊之苗裔伯翳即伯益之後在西戎保西垂其後造父為周穆王御封趙城為趙氏非子居太丘周孝王使主馬于汧渭之間馬大蕃息遂邑之秦為漢天水郡隴西縣之秦亭周宣王時秦仲始大見詩之秦風既而為西戎所殺其子破戎有功封為西垂大夫周幽王為犬戎所殺其衰公救雒有功平王避戎東

徙洛邑舉岐以西封之襄公遂立西時史記以為僭
端見矣諸侯而祭天猶初為西帝云者謂中國之西
方也文公居岐為鄜時收周餘民而有之疆上至岐
寧公徙居平陽在郿之平陽亭德公居雍城在唐之
鳳翔府天興縣去唐長安三百一十里獻公城櫟陽
徙都之在渭之北咸陽之東孝公地始益大用商鞅
治國作咸陽築闕在渭之北漢長安城西北可三十
餘里而跨渭為都在周顯王之十九年壞井田開阡
陌廢都邑為郡縣始為三十一縣孝公卒子惠王立車裂商

鞅周顯王之三十一年也顯王四十四年秦惠王始
稱王改後元年惠王薨子武王立初置左右丞相武
王舉鼎絕臙而薨無子異母弟稷立是為昭王誘楚
懷王會武關執而囚之天下以是不直秦周赧王五
十九年昭王五十一年也遂滅周在位五十六年薨
孝文王立一年薨莊襄王立三年薨子政立是為始
皇立二十六年併天下稱始皇帝三十七年崩於沙
丘其生壬寅其死辛卯其年五十子胡亥立元年壬
辰七月陳涉起九月劉邦項梁起三年甲午二世為

趙高所弑子嬰立四十六日自非子至子嬰三十四
世而秦亡漢王不殺子嬰以屬吏項羽至而殺之羸
姓遂無後云
素車白馬係頸以組
應邵曰素車白馬喪人之服係頸欲自殺也師古曰
此組為綬也秦以前未有以天子降者也楚莊王伐
鄭克之入自皇門鄭伯肉袒牽羊以迎曰孤不德不
能事君用懷怒以及敝邑孤之罪也敢不唯命是聽
若君不忘屬宜桓武不絕其社稷使改事君孤之願

也非所敢望也敢布腹心楚羣臣曰王勿許莊王曰
其君能下人必能信用其民庸可絕乎引兵去三十
里而許之平此楚莊王之所以為莊也吳伐越許之
平越伐吳滅之然越亦不能有江淮以北以其地與
楚宋魯而僅能自保尋亦為楚所滅然則我能滅人
之國而人亦能滅我之國一反一復非美事也秦昭
王誘楚懷王而執之孰與楚莊已得鄭伯而縱之故
楚人切齒深恨卒以亡秦沛公約與子嬰降其必有
以處之耳諸將或言誅秦王沛公曰始懷王遣我國

能寬容且人已服降殺之不祥乃以屬吏使項羽至
而如懷王之約沛公得王關中項羽引而東歸聽懷
王命列封大國沛公必有地以食子嬰不絕其祀無
亦秦之殺人既多故天假手于項王而絕其祀歟晉
平吳陷平陳孫皓陳叔寶皆得終其天年彼司馬炎
揚堅猶能若是亡金匱降我二帝於青城薇廟既沒
欽宗卒為完顏亮所害亮亦以斃于此洲天理未嘗
不畧明也故曰禍莫大於殺已降白起之長平項羽
之新安坑降卒皆數十萬是亦自坑而已矣

皇帝璽符節

周禮司閔司節小行人有玉節角節龍節人節虎節
符節璽節旌節官節鄭康成謂玉為之角節其制未
聞鄭鍔謂命為諸侯使守邦國者用玉節以輔之命
為君長使守都鄙者用角節以輔之此守節也邦國
都鄙之所分也又謂鑄金為節各為虎龍人之象山
國多虎澤國多龍平上則人之所聚晉楚多山吳越
多木陳鄭平原曠野視其所執之節可知其所向之
邦此行節也使者之所持也符節用之門關鄭康成

謂如今宮中諸官詔璽節用之貨賄康成謂今印章
則此二物皆非手中所執操之物符以合之璽以封
之而已旌節用之道路康成謂今使者所持節如此
則與鑄金為之虎節龍節人節異也小行人官節陳
祥道謂折竹為符節全竹為官節然則後世分為三
物曰符曰傳曰繡如契券之類以謹門閤之出入剖
符分功臣銅虎符竹使符各五符合而後發兵此一
物也曰璽曰印曰章以五金銀銅刻之以為印信總
名曰印此一物也曰握節曰持節曰仗節牧羊則人

臣奉使將命出疆之節節毛上下相重取象竹節此
又一物也皆掌於天子之有司周禮典瑞又有所謂
玉之為器以為符信播大圭執鎮圭王之瑞也公執
桓圭侯執信圭伯執躬圭亦曰身圭子執穀璧男執蒲璧
此人臣之五玉五瑞以朝覲宗遇會同諸侯相見皆
天子所賜而執之貢之以為信也球圭璋璧琮以類
聘珍圭以徵守以恤凶荒牙璋以起軍旅以治兵守
璧羨以起度穀圭以和難以聘女琬圭以治德以結
好琰圭以易行以除匿其多端不同如此即皆後世

所謂麟符虎符兔符魚符兵符至如絕人以決還人以環未有不託之器物以寓意者第未知天子佩璽始於何時左傳季武子取卞使公右問襄公璽書追而與之左右皆曰印也印之為璽惟周禮左傳有之以玉為璽貫以組綬天子佩之必始于秦而漢諸侯王以下莫不有之天子璽皆白玉螭虎紐文曰皇帝行璽皇帝之璽皇帝信璽天子之璽天子信璽凡六璽諸侯玉印黃金橐佗紐文曰璽列侯黃金印龜紐文曰印丞相將軍黃金印龜紐文曰章中二千石銀

印龜紐文曰章千石六百石四百石銅印龜紐文曰印同嘗見漢銅印區而方大如今之準尺一寸許中有圓竅以容組組所以穿之也印之背即所謂鼻紐印之面即中文鐫篆字空處為文組兩頭為綬以繫之腰為佩故曰方寸之印文二之組蘓秦佩六國相印即六綬六印楊璞銀黃三組即三綬三印非若今人之印大而不可佩封之以匱也通典曰秦以印稱璽以玉不通臣下用制乘輿六璽說已見前文始皇得藍田白玉為璽螭虎紐文曰受命于天既壽永昌

史記正義曰漢官儀云子嬰上始皇藍田玉璽因服御之代代傳授疏云漢傳國璽據此則此璽在六璽之外也後漢書志三註而三不同一引吳書曰漢室之亂天子北詣河上六璽不自隨掌璽者從井中孫堅北討董卓頓軍城南官署有井每旦有五色氣從井中出使人浚井得傳國璽文曰受命于天既壽永昌方圓四寸上有鈕交盤五龍璫七寸龍上一角缺此一注已與通典螭虎鈕異而曰聞之藍田玉碧而不自一疑也又注其晉陽秋曰再閱大將軍蔣幹以

傳國璽付河南太守戴施施獻之百僚皆賀璽光照洞徹上蟠螭文隱起書曰受天之命皇帝壽昌秦舊璽也此全與前注及通典不同二疑也又左徐廣曰傳國璽文曰受天之命皇帝壽昌此又與晉陽秋一字不同三疑也今攷漢元后傳王莽遣王舜求傳國璽於太后不肯授莽其反復辯說甚苦后乃出璽投之地以授舜初不言璽文幾字璽方幾寸璽之玉色何若今之俗傳博聞錄恐多不經未足信也漢書昌邑王賀立為太子霍光廢之光持其手解脫其璽組

及受皇帝行璽信璽不封及自之符璽取節十六及
為璽書使使者持節徵發一千一百二十七事足見
漢帝璽之不可不封符節之不可妄用而璽之必佩
於腰明矣東漢志註又謂六璽之用不同璽皆以武
都紫泥封青囊白素裏兩端無縫尺一板中約署皇
帝帶綬黃帝六采不佩璽之以金銀騰組侍中組負
以從秦以前民皆佩綬金玉銀銅犀象為方寸璽各
佩所好奉璽書使者乘馳傳其驛騎也三騎行晝夜
千里為程攷此可見侍中負璽人主不佩故興恐是

臨朝則佩而燕居則侍中負之又見秦以前雖民亦
皆佩私印私綬而人主則有侍中負之又因見璽書
尺一之制一晝夜千里為程之說今之印皆有匣者
其制見南部新書曰三十四司官即印故事悉納直廳
每郎官交印時吏人繫之於臂以相授頗覺為繁楊
虞卿任吏部為員外郎始置匱加鎖以貯之人人以
為便至今不改程泰之謂古者居此官則佩此印印
有組常繫之腰垂之一日去官即解而上有司後世
付之典吏加匱封亦便逸大去古遠矣然回謂今之

印重而大佩之不便諸百官司及郡縣印皆有匣貯
袱封長官又內封之吏掌牌以出入之有曰印司而
歷代人主者曰符璽郎符寶郎蓋與古無一而可同
也

附攷五玉

周禮先儒所不盡信然典瑞所謂五玉已見舜典攷
其正義之意蓋謂桓圭信圭躬圭穀璧蒲璧公侯伯
子男所執者竟昔授之舜卽位諸侯來見旣輯之又
班以還之乃所謂符信也唐虞之世諸侯至于萬國

之多禹會塗山執玉帛者萬國則五玉之制周有典
瑞掌之不可誣也下文三帛二生一死贊所謂贊止
是三帛二生一死似不當聯五玉而言孔傳釋三帛
謂諸侯世子執纁公孤執玄附庸之君執黃二生卿
執羔大夫執鴈一死士執雉三帛死生所以為贊見
之禮如此則五玉乃諸侯所自造可乎正義於班瑞
釋曰此瑞本受於堯輯而又還之是也孔傳亦謂圭
璧如互器禮終則還之三帛生死則否罔竊疑五玉
為符信驗視無偽卽仍以昇之與贊不同五等諸侯

見君顧命有曰壞奠其制不止于此第未知堯以前
封諸侯五瑞為信之外有無簡策書所謂命則當有
竹為簡策木板為方而今不可攷耳黃帝素問謂岐
伯所言皆有太古所傳金匱玉板則古人防火而謀
悠久以玉書事金匱之猶之諸侯符信以五玉為之
不朽而不可蕪也又未知帝王之世行移文書有無
周之符若璽所謂典瑞之玉不一端司閔掌節小行
人之節不一物其果皆周公之所制歟古次用玉品
類繁多焉所謂美玉如此之多朝觀之所執所班祭

祀之所奠所埋所沉祭器圭瓚冕旒佩服節璽為權
為度為案為土圭為律管茲喪飯含詳而別之不可
勝書今人之玉難得姑以為玩其而腰帶一事唐以
來人君服之以賜貴臣大戚近世武臣鐔而服之不
以為僭俗人喜帶玉條環刀柄巾環而玉盞盤以勸
酒尤侈至如朝廷璽章則徽廟之作八寶寶慶以獲
亡之璽改元自當他攷云
附攷玉剛卯
予近見鮮于伯幾樞佩一玉長可計寸許四方潤

可半寸許中有竅可組穿之四面有字每一面各篆
書刻八篆兩行各四字如蠅頭差飾以金文極精細
問何物伯幾白此宣和中徽廟宮人所佩辟兵符也
予攷之當是漢之玉剛卯王莽傳皇天革漢而立新
廢劉而興王夫劉之為字卯金刃也正月剛卯金刃
之利皆不得行服虔曰剛卯以正月卯日作或用玉
或用金或用桃著革帶佩之今有玉在者晉灼曰剛
卯長一寸廣五分四方當中央從穿作孔以采絲葺
其底如冠纓頭縫刻其上而作兩行書文曰正月剛

卯既央靈爻四方赤青白黃四色是當帝令祝融以
教夔龍庶疫剛瘳莫我敢當其一銘曰疾日嚴卯帝
令夔龍順爾固伏化茲靈爻既直既觚既方庶疫剛
瘳莫我敢當師古曰今往往土中有得玉剛卯者按
大小及文服說是也曰服說是也當作晉說是也
服說謂長三寸廣一寸然不言文以回所見伯幾宣
和所製與晉灼說合然晉灼前一銘猶多二字恐是
徽廟後漢玉剛卯依其式以製之賜宮人也東漢書
志謂佩雙印則徑以此玉剛卯為印而雙佩之長寸

二分方六分以圓所見大約是乘輿諸侯玉珮以白玉中
二千石以下至四百石皆以黑犀三百石以至私學
弟子皆以象牙絲縻之制亦隨以異兩印文與西漢
書註同然則雖漢制其亦見戲之類歟三代無是也
今人所佩篋刀古曰容刀茹袋古曰囊曰橐以兒女
佩內則詳蓋非一物以適於用玉剛郎乃若辟除疫
病之物五斗米道後變而為書符婦人有釵符白辟
兵符有自來哉古
古今攷卷之五終

